

# قصة احتضان مازن



قصة احتضان مازن

كتابة و تأليف:- مريم الشرقاوي

رسوم:- فاطمة أسامة

تصميم وإخراج :- مريم الشرقاوي

تحت رعاية مبادرة الاحتضان في مصر

16 سبتمبر 2020

تم النشر بواسطة مكتبة الكتب الالكترونية

<https://books-library.online>

جميع الحقوق محفوظة للمؤلف و الناشر



أهلا أنا إسمي مازن

أنا عندي ٤ سنوات أنا طفل مميز جدا


عارفين ليه ؟

عشان أنا عندي اتنين ماما و اتنين بابا

عايزين تعرفوا حكايتي أنا هحكيها لكم



وانا صغير كنت في حجم البذرة الصغنتوته  
كنت عايش في بطن مامتي الأولى  
كنت بتغذى من جسمها وكانت بتحبني جداً  
لغاية ما كبرت و قدرت أخرج للدنيا  
حصلت ظروف أنا مش عارفها



رحت بعدها لبيت الأطفال الكبير  
الأطفال اللي عايشين فيه كلهم حصل عندهم ظروف مختلفة  
و كلهم بيعيشوا في البيت ده مع بعض  
من غير مامتهم و باباهم  
كنت فرحان في البيت الكبير ده و بلعب فيه  
بس كنت حاسس اني لازم يكون عندي ماما و بابا



في يوم من الأيام اما كان عندي ست شهور دخلت عندنا البيت الكبير واحده  
شكلها حلو أوي هي و جوزها  
وشافنتي من بعيد و ضحكتلي و انا ابتسمت لها لإنني حسيت انها طيبة و  
بتحبني

و جوزها كمان كان شكله مريح جدا




طلبت انها تشيلني و فعلا شالتني بين ايديها و فجاء دموعها نزلت و انا  
مسحت دموعها بايدي و حضنتها

حسيت اني عايزها تكون أمي

مسكت ايدها بحنية و مكنتش عايزها تسيبني أبداً

و جوزها حضنتنا احنا الاتنين و كانت عينه فيها فرح و سعادة



قالولي انت هتبقى ابننا

احنا كنا عايشين لوحدها و مش عندنا أي أولاد و نفسنا توافق تيجي  
معانا

أنا قعدت أضحك و احضنهم و مسكت فيهم جامد





بعدها أخذوني بيتهم الجميل  
كان بيت صغير بس لطيف جدا  
كانوا شاريين ليا ألعاب و سرير و لبس  
أنا كنت فرحان و مبسوط و نمت بسرعة في سريري



ماما قالتلي بعد كده انها راحت للدكتورة عشان يكون عندها لبن جميل و انا  
اشرب من اللبن ده  
و اللبن ده اما يدخل جوه جسمي هيخليني أقوى و كمان هيبقى جوايا حاجه  
من أمي حبيبتني و تكون أمي بالرضاعة



بعد اسبوع كان فيه حفلة في البيت وكل العيلة كانت موجوده  
اتعرفت يومها على تيته و جدو و خالي و خالتي و عمي و عمتي و كل العيلة  
الكبيرة  
وأطفال كثير كانوا فرحانين و يلعبوا بالبالونات



و دلوقتي انا كبرت وبقى عندي اربع سنوات و هروح المدرسة  
وانا عارف قصتي الجميلة و المتميزة و بحب احكيها لماما و بابا كل  
شويه

و اتفقت مع ماما اننا نروح البيت الكبير تاني عشان يكون عندي أخت  
كمان

ايه رأيكم تحكولي قصتكم انتم كمان

قصة احتضان مازن

كتابة و تأليف:- مريم الشرقاوي

رسوم:- فاطمة أسامة

تصميم وإخراج :- مريم الشرقاوي

تحت رعاية مبادرة الاحتضان في مصر

16 سبتمبر 2020

تم النشر بواسطة مكتبة الكتب الالكترونية

<https://books-library.online>

جميع الحقوق محفوظة للمؤلف و الناشر

الاحتضان في مصر